

鶴慶府志

第二十六卷
藝文下

鶴慶府志

第二十卷
藝文下

鶴慶府志卷之二十六

詩

元

雪山

宣慰

李

京

河間

麗江雪山天下絕積玉堆瓊幾千疊足盤厚地背摩
天衡華真成兩丘垣平生愛作子長遊覽勝探奇不
少休安得乘風凌絕頂倒騎箕尾看神州

五言古風

明

青元洞

廉使馬

鄉林縣

夙昔慕仙侶採藥尋名山蓬瀛殊恍惚勝境自人寰
世網猶未脫遙遙謫南蠻簿領厭紛糾春風得餘閑
巡行歷阡陌登遊遍林巒山椒洞門啟玲瓏彩雲間
奇石狀眉臬斧鑿差垂班天光牖虛白月窟浮清潺
珠璣瑱乳綴綺綉壁苔斑儼然清華境寸碧出雲鬟
果有望鶴翁霞霓何爛編遺我金簡書兼之玄玉環
環以象太極書以示九還謂最松柏心無為桃李顏
再拜感至教修舉不可攀仙路豈云遠煉修良匪艱

矢心斷金石常恐芳歲殘紅塵落已久丹書幾時頒
願言達精誠排雲叩天關

明月石

解元唐先官晉寧

西南盛招提先峯惟螺峯捫蘿路詰屈陟蹬臨蒼穹
雲中仙梵響大士殿益崇山茶粲如錦松柏翠烟籠
夕佳景已收明月升其東秀出一片石光彩照龍嵒
賓主坐相酬子夜曲未終下方城郭近歸騎且從容
送李宓雲南伐蠻
儲光羲
昆明濱滇池蠡爾敢逆常天星耀鉞鎖吊彼西南方

總宰統元戎太守蒞軍行囊括十萬里矢謨在廟堂
耀耀金虎符一息到炎荒蒐兵自交趾爰舍出瀘陽
羣山高嶺岩凌越如鳥翔封豕驟踰伏巨象遙披攘
回溪深天淵揭厲踰舟梁玄武掃孤域蛟龍除方良
雷霆隨神兵礪礚動穹蒼斬伐若草木繫縲同豕羊
除醜飲彌河啁啾亂行藏君子惡薄險王師耻重傷
廣車設置梁太白收光芒邊吏靜懸道新書行紀綱
劍閣掉勒歸武弁朝建章龍樓加命服擲象擁秋霜
邦人頌靈旗側聽河洋洋京觀在七德休哉我神皇

賀李宓伐蠻歸詩

此詩前兩志相沿宣以盛唐
假重乎然事辭不相符姑取

其辭而
仍之

高適

聖人赫斯怒詔伐西南戎肅穆廟堂上深沉節制
遂令感激士得建非常功料死不料敵顧恩寧顧終
鼓行天海外轉戰蠻夷中梯巘近高鳥穿林經毒蟲
鬼門無歸客比戶多南風蜂蠆隔萬里雲雷隨九攻
長驅大浪破急擊羣山空餉道忽已遠懸軍垂欲窮
精誠動白日噴薄連蒼宮野食掘田鼠晡飧兼焚僮
收兵列亭堠拓地彌西東臨事耻苟免履危能飭躬

將軍猶照耀邊色何溟濛
瀛水夜可渡交州今始通
歸來長安道台見甘泉宮
蘆蘭若未死孫吳知音
同相逢論意氣慷慨謝深衷

飲朝霞漫興

知府黃兆隆

陰晴互朝昏氣候靡有定
春半尚餘寒未愜登山興
偶辱翩翩賢邀遊招提境
出郭適清和日淡纖雲淨
梨開白盈枝桃飛紅滿徑
芸芸麥正芳嚶嚶鳥相應
厯壑既經丘穿林復陟蹬
望望詣朝霞果然三界勝
縱目萬象空身如超上乘
澗水浮閨花禪堂發孤磬

亭亭古柏陰
落落長松勁
碧繡綠蘿懸
石冷香泉迸
八門供帳繁
綺筵望歌併
且盡主人情
不問山僧姓
更有同心儔
玄談時叩證
披豁見天真
啣杯不飲醒
自苦俗吏忙
得此歡懷罄
留連光景遲
收拾無餘剩
臨風咏歸來
天外紫烟暝

望雪山

叅政謝肇淛
晉江

山行數百里
質質靡所召
迴上四盤坡
我馬痛以憊
千峯繞翠屏
驚見玉龍掛
爛如白芙蓉
橫聳青天外
斜日正照耀
銀宮起光怪
皓質亘四時
千秋復萬代

玄鶴不敢棲路草綠映帶永懷面壁踪結想香林
坐令俗骨清頓覺俗行快安得馭冷風凌虛飲沉

又言古

雲南詩

史公謹

城南雙塔高嵯峨城北千山如湧波隔斷中原萬餘
里耳邊無處聞絃歌我來正值兵戈後厭聽邊聲出
刁斗壯士沉雄細柳營豈效棘門空趙趙金戈鐵馬
擁雲霧顧爾羣羌如培塿軍中大將漢武侯氣吐虹
霓橫素秋又擒又縱平其酋殺氣慘淡空中收羣氓

邇墟出方物，蒟醬犂馬隨。旄牛變
聽華言無諳曉，縱橫跋扈無尊卑。翻覺王臣眼中小
回首令人憶中國，拔劍高歌倚天立。碧雞蒼蒼元氣
濕，梁王宮殿為荆棘。鷓鴣朝鳴孤夜集，金盃床頭總
何益。不足一醉杏花村，濯足昆明看山色。

星回節

失名

滇中六月廿四日燒松火，雲光霽霽脂流滿。地香徹
天萬家，鐘磬聲寒栗輟。毒罷市，虔祭賽，生啖牛羊口
血溢。云是當時六詔強，九十九部蠶食亡同姓。六人

齊稱王犬豕寧保鴻雁行鄧賊詔主推豐咩浪宮施
浪稱三浪中惟鄧賊差仁柔夫人慈善禮法懷奸雄
巨測皮羅閣笙歌召會松明樓脫簪率裙不得留鐵
剗約臂紅淚流阿奴火攻酒半發炎鳥蔓煨飛神丘
殘蛾埃煤一篲掃精鋼融腕遺骸收貽來琴瑟同心
結謾許同衾誓同穴却建塚土血流霞娘子軍旂光
奪血死守何異巡遠堅忍饑甘共夷齊潔南詔羞慚
心尚存妃封寧北城德源至今生氣凜白日赤龍黯
澹風烟昏一炬摧殘萬劫灰瓊瑤臺上招星迴亦敢

舉火竟生食反燔燭助夫人哀喋血誓啗仇讐肉生
吞活剝遍山谷煙林白鷗湘江龍寒食競渡中外從
不謂蠻烟炳星日今節直造前賢踪吁嗟夜郎將柯
化日餘貞禽羽族猶堪書後官寵冠晉羊后司馬家
兒笑不如

五言律詩

唐

南中寄皇甫侍御

賈島

曉鐘催早朝自是赴嘉招舟寄湘江濶田收楚澤遙

鴈驚起衰草搖渴下寒條來使黔南日時應問寂寥
宋

得南中山呼鳥

蘇軾

終日鎖筠籠回頭惜翠葦誰知聲嘒嘒亦是意重重
夜宿烟生浦朝鳴日上峯故巢何處是鷹隼豈能容
明

鵲慶道中

童軾

岩深多險阻馬足正凌兢暝雪依巢鳥斜陽歸寺僧
林疎鳴敗葉澗古積堅冰去去無辭遠荒山又幾層

石寶山

吳懋

靈嶽何年構奇觀
是此來翠虹天上
路金相雪中臺
雲竇參差見
花龕窈窕開
手中青竹杖
隨意拄仙苔
鶴慶道中雨三日

毛堪少卿

山行何所見
惟聽雨如傾
溪瀑千村沸
懸崖一望平
霧連人影沒
雲逐馬頭生
此日乘驄使
如何夔足行
寺名朝霞而
予以晚至見
其山景可愛
賦二詩以紀之

其二

張學懋

不盡晚山景殘陽駐翠微
松陰凝霧碧塔影掛林肥
酒盞星搖彩譚鋒夜逗機
熒熒前路火疑是帶霞歸

垂珠洞

張啟賢

無極神剎穴礚砢石欲顛
崖仙食玉髓壁佛坐青蓮
犀象雲門踞鼓鐘天樂懸
如鴉驚白蝠凝雪自千年

龍華三慧臺

前人

金砌維摩室藥珠迸石流
山青隨客送雲白護僧幽
花雨飄孤磬松風度小樓
呼龍伴清骨夜月已床頭

垂珠洞

黛容雲貯滿玄竅返丹丘輪囷開瓊幄玲瓏嵌翠
瑤芝連霧結火樹帶霞浮謾說張公洞偏宜我浪遊
梅天萍琉球刀有懷光祿

楊方盛通政

單刀新試舞雙劍舊能輪雨過腥開血風旋雪裏身
對環追想動掛壁蒯緱塵醉後時橫看為憶贈刀人

過蒲陀岵

姜析

蒼洱西頭路秋來幾往還一村三度水十里九重山
僧寺多依嶺人家半雜蠻廿年成底事岩險苦躋攀